

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأوامر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - خلاصة حكم المحدث : صحيح

على بركة الله نبدأ تفريغ المحاضرة السابعة للدكتور ناجي
الساعة دلوقة الواحدة و 11 دقيقة ظهراً ، يوم الخميس 11 أبريل 2013

النهاردا حصة مهمة فعلاً ،

نتوكل على الله ونبتداً ،

أقولك حاجة ، حصة النهاردا عبارة عن خمسة ديجرامات

أربعة منهم هيكونوا نظري مهم ،

أقولك حاجة كمان ، الحصتين اللي جاينين في ال respiration فيهم أربعة مجتمعين

يعني الحصة بتاعت النهاردا زي الحصتين اللي جاينين من حيث القوى بتاعتهم

من حصة النهاردا جت أسئلة الدور الأول 2002 والدور الثاني 2003 ☺ **دا من زمان أوووي**
نتوكل على الله بقا ، ونبتدي الحصة

الحصة اللي فاتت اتعملنا إزاي بنعمل نفس منتظم

واتكلمنا على ال On switch واتكلمنا على ال off switch والمجنون

النهاردا إن شاء الله الحصة عبارة عن إيه ؟؟

إيه الحاجات اللي تسرع النفس ، إيه الحاجات اللي تقلل النفس

إيه الحاجات اللي توقف النفس

نتكلم النهاردا إن شاء الله عن عملية ال regulation

لأن إحنا شرحنا الموضوع المرة اللي فاتت إزاي النفس بيتم

طيب ،

إيه الحاجات اللي تأثر في النفس ده وتغيره لينا

هنقسم الموضوع إلى عنوانين كبار

كما هي العادة أنا بتكلم ببطء شديد ، بس عليك إنك تركز

هنقسم الموضوع إلى عنوانين كبار

عملية ال regulation of respiration

VISIT...

LANZAROTE
Caliente.COM

يا إما بتتم عن طريق كيماويات
ودا العنوان بتاع صفحة 32 حاجة اسمها chemical regulation of respiration

يا إما لو اتفرجت على الورقة اللي بعديها
عملية ال regulation تتم من خلال كهربا (nerve impulses)
نسميها ال Nervous أو ال non chemical regulation

يبقا دا من الآخر الحصة بتاعت النهاردا
عملية تنظيم النفس ،، حصة حلوة أوووي وهتعجبكم إن شاء الله

عملية ال regulation :
• يا chemical
• يا nervous

ورقة ال chemical regulation سؤال نظري مهم ،، وسؤال لو ربنا كرمنا بيأخذ 3/4 ساعة
بقية الحصة كلها 3/4 الباقيين في الأربع الورقات اللي وراهم

فالورقة هتأخذ حقها تمام إن شاء الله

Chemical regulation of respiration

فيه طالب بيبقا حافظ كويس أوووي آخر السنة
ما المذكرات مالية الدنيا كلها ،، الناس كلها حافظة الورق
بس ،،

يجيله سؤال chemical regulation of respiration
دا كبير ،، الطالب يقعد يكتب يكتب يكتب
يفاجأ في الآخر ،، إن لو السؤال من 12 إنه أخذ فيه 7 أو 6 درجات
مع إنه كاتبه ورقتين ثلاثة في الإجابة
لأنه مغطاش كل النقط

عشان نطلع النهاردا بإذن الله حافظين وفاهمين سؤال ال chemical regulation
السؤال ده إجابته 15 نقطة ☺
هتقسمهم 5 ثلاثيات

يبقوا تعالوا نكتب كلنا على الورقة خمسة X ثلاثة
كل 3 نقط مجتمعين هنعلمهم مع بعض
تأكد إننا فاهمينهم كويس
نركنهم ونأخذ الثلاثة اللي بعديهم إن شاء الله
حتى يكتمل السؤال بال 15 نقطة في الآخر

طيب ،،
نتوكل على الله

أولاً مين هي ال chemical اللي بيحكوا عليها اللي هتأثر في النفس بتاعنا ؟؟؟

أنا عندي 3 كيماويات

- ال P_{CO_2} اللي إحنا بننطقه CO_2 tension
- أيون الهيدروجين
- ال P_{O_2} اللي هو ال oxygen tension

يبقا إحنا قبل ما نبتدي السؤال

فهمننا ،، هما دول يا أولاد الكيماويات اللي هتأثر في نفسنا

ال CO_2 tension ،، أيون الهيدروجين ،، ال oxygen tension

خلي بالكم أنا بتكلم هنا عن ال tension

أول ثلاث نقاط في إجابة السؤال ده ،، مقدمة

تفتكروا يا أولاد ،، بالعقل ،، بالعقل

شغل مخك ،،

تفتكر اللي يزيد عنده ال CO_2 tension في دمه

(وعلى فكرة ال CO_2 tension لما يزيد هتلاقي دائماً أيون الهيدروجين يزيد معاه ،، أوعى تتلخبط ،، دا هو دا اللي شرحناه ،،

مش إحنا عندنا ال CO_2 tension ،، اللي هو ال CO_2 اللي ذائب

وأنا علمتكم إن ال CO_2 اللي لما يذوب في مية الدم

في وجود إنزيم مهم اسمه carbonic anhydrase

يدي carbonic acid

اللي بيرجع يتفكك ويدي bicarbonate وال hydrogen

يبقا يا أولاد لما بنقول ال CO_2 tension عالي

علطول مفهوم إن ال hydrogen هو كمان عالي في الدم

تفتكر لو ال CO_2 tension عالي ،، أو ال oxygen tension واطي (منخفض)

دا مش فسيولوجي ،، دا محتاج تشغل مخك

ال CO_2 عالي جوا جسمك من جوا ،، أو الأوكسجين قليل

تفتكر دي حاجة تعمل stimulation ولا inhibition ال respiration ؟؟؟

stimulation of respiration

أدي أول نقطة

طيب ،،

تفتكر لو عكسنا الكلام ده ،،

ال CO_2 واطي جوا جسمك ،، وزيه أيون الهيدروجين

أو الأوكسجين عالي

تفتكر مخك ،، لما الأوكسجين يبقا عالي جواك ،، أو ال CO_2 قليل ،، تفتكر دا يعمل إيه في ال respiration ؟؟؟

inhibition of respiration

الجماعة الممتازين بقا ،،

هو مش هيجصل inhibition معنى النفس يقف خالص

كتبتك كلمة **slight inhibition of respiration** حط الدائرة حوالين slight

يعني الشخص مش نفسه يقف خالص
إمّا بدل ما بيتنفس 12 مرة في الدقيقة ،، يبقوا 7 ولا حاجة

يبقا كلمة slight دي مهمة هنا
دي تاني نقطة في المقدمة

طيب ،،

كل دا بالعقل مش محتاج مذاكرة ،،

تفتكر كل ما ال tissue اشتغل أكثر ،، حاجة اسمها ال metabolic rate علي ،،

ال tissue بيشتغل أكثر ،، تفتكر ده يعمل إيه في ال Respiration ؟؟؟ inhibition ولا stimulation ؟؟؟
stimulation of respiration

tissue بيشتغل أكثر ،، بيقا عمال يطلع ثاني أوكسيد الكربون كتير

وعمال يحرق أوكسجين كتير

مكتوب عندكم آخر نقطة في المقدمة ،،

إن ال respiratory rate بيكون directly proportion (يتناسب طردياً) مع ال metabolic rate

يبقا أول 3 نقط من ال15

سهلين الحمد لله

الأول كلنا فهمنا إيه الكيماويات اللي بيحكوها عليها ،،

الي هو ال oxygen tension ،، ال CO₂ tension ،، وأيون الهيدروجين

أنا بقا كل 3 نقط هطمئن عليهم

هخش على الي بعديهم

تعالوا نراجع ال3 الأولانين تاني

مين الكيماويات الي هتعمل stimulation لل respiration ؟؟؟

• زيادة ال CO₂ tension

• أو زيادة أيونات الهيدروجين

• أو نقص ال oxygen tension

عكس دول يعمل إيه ؟؟؟

slight inhibition

مش هيلغي النفس ،، يهديه بس

زيادة ال metabolic rate تزود ولا تقلل ال respiration ؟؟

تزود ال respiration

أدي أول 3 نقط مكتوبين عندكم

طيب ،،

الطالب يقول : دي كيماويات ،، عشان ينشطوا النفس ،، لازم يشتغلوا على receptors

أومال إزاي هينشطوه !!

دول كيماويات ،، يبقا لما يجوا يشتغلوا في جسمك
يشتغلوا على chemo receptors
مش هما عبارة عن chemicals

هما كيماويات ،، يبقا نوع ال receptors الي هما هيشغلوا عليه
يقوم نفسك يزيد هنسميه chemo receptors

أنا بقا يا أولاد عندي ،، نوعين chemo receptors في جسمنا :
• حاجة اسمها central chemo receptor

central يعني في المخ
مكانهم في المخ ،، جوا الجمجمة
هنعرف عنهم 3 معلومات

عكس ال center يبقا إيه يا أولاد ؟؟؟
peripheral

• فيه عندك peripheral chemo receptors
peripheral هنا بمعنى خارج الجمجمة
يعني بره ال skull
peripheral chemo receptors
وهنعرف عنهم 3 معلومات إن شاء الله
منتهى النظام وإنت بتذاكر

إنت عندك الكيماويات تشتغل على chemo receptors
عشان تنشط النفس

ال chemo receptors الي في المخ نسيمهم إيه ؟؟؟
central chemo receptors
والي بره المخ نسيمهم إيه ؟؟؟
Peripheral chemo receptors

دول هنرص تحتهم 3 معلومات
ودول 3 معلومات
إن شاء الله في نهايتهم هنكون وصلنا للنقطة التاسعة بإذن الله

تعالوا نمسك الأول ال Central chemo receptors
فين هما ؟؟؟

فاكر إنت ،، ال brain stem
ال brain stem كان 3 تحت كده من تحت لفوق
فاكر أوطى حنة تحت كانت مين ؟؟
medulla

الي بالأمارة كان فيها الحصة الي فاتت ال VRG و ال DRG

ventral respiratory group ال

dorsal respiratory group وال

أول معلومة عن ال central chemo receptor

فين مكانه ???

في ال medulla هتلاقي مرسوم عندك دايرة في الديجرام متنقطة

هي دي مكان ال central chemo receptor

الطالب الي عايز ينجح ،، هيكتب أول نقطة في ال central chemo receptor

المكان في ال medulla

دا الي هينجح

الي عايز يجيب إمتياز الأمر شوية صعب

إنت عارف ال brain stem بتاعنا ،، مهواش واقف كده زي دراعك عمودي

مهواش واقف عمودي كده في دماغك

بيبقا ماييل لأدام حبة

ال brain stem جوا دماغك وإنت قاعد دلوقتي ماييل للأمام حبة

في ال anatomy

طالما ملت لأدام ببقا ليك ال surface يكون ventral

وبيبقا الي فوق اسمه ال dorsal surface

عارف بقا ،،

ال central chemo receptor محطوط إزاي في ال medulla ???

ال central chemo receptor محطوط كده

تحت ال brain stem الي ماييل

يقوم يقولك مكانه إيه ???

تحت دي اسمها beneath

أنهي ال surface دا يا أولاد الي بنتكلم عليه ???

ال ventral surface بتاع ال medulla

هو محطوط كده بالظبط ،،

ال medulla أوطى حته تحت ،، هو محطوط تحتها

بيبقا مكان ال central chemo receptor

الناس الي عايزة امتياز

طبعاً الي هيكتب ال medulla ماشي يعني ،،

بتاع الإمتياز لازم ببقا فيه دقة

فين بالظبط مكان ال central chemo receptor ??? حد حفظها ??? beneath ventral surface of the medulla

تعالوا لتاني معلومة

تتحفظ صم ،، الي بيشغل ال Central chemo receptor ال CO_2 tension

الي ينشط ال Central ال CO_2

حتى دا من كتر ما أنا متأثر ال C مع ال C

نسيت أحط علامة ال tension في ال diagram

فحطها لو سمحت عندك في المذكرة لو معاك

بس أنا كان مخي كله إن أنا أثبت ال C مع ال C

الي ينشط ال Central

حاجة واحدة ،، لو ال CO_2 tension علي في دمك

إمها الأثنين التانيين ،،

مين هما الأثنين التانيين ؟؟؟

ال hydrogen عالي

أو ال oxygen tension واطي

ميشغلوش

حط دائرة حوالين ال C مع ال C

الي يشغل ال Central chemo receptor ال CO_2 tension عالي في دمك

تالت معلومة ،،

ال CO_2 يا أولاد لما بيعلى في الدم

ال CO_2 tension عالي ،، بيشغل ال central chemo receptor (indirect)

ودي المعلومة الثالثة

يعني إيه بقا indirect ؟؟؟

تعال أحكيلك ،،

إن شاء الله إن كان لينا عمر في آخر كتاب ال vascular

هنحكيلكم إن حوالين مخنا فيه حاجة اسمها BBB (blood brain barrier)

لو قرئتم من الآخر للأول

barrier يعني حاجز

دا موجود ما بين ال blood وما بين المخ

إن شاء الله هنحكيلكم دا اتكون إزاي

ومعمول من إيه ؟؟ وإيه قصته ؟؟ وإيه فوائده ؟؟

ببساطة شديدة ال blood brain barrier

حاجة بتفصل ما بين دمنا وما بين المخ عشان لا قدر الله

لو فيه مادة سامة في الدم متخشش وتعدّي تبوظ لينا المخ فوق (الباشا الكبير)

طبيب ،

يبقى فيه حاجة محوطة المخ اسمها ال BBB

إيه ال BBB ؟؟؟

ال blood brain barrier

ال CO₂ tension دا لما يعلى في الدم

ال CO₂ ده بيذوب بالكامل

علمتها لكم الحصص اللي فاتت إن أي حاجة دهن هيعدي منها

ال CO₂ tension لما يعلى في الدم

هيشخس جوا ال brain

يعني هيعدي مين ؟؟؟

ال blood brain barrier

طبيب ،

ال CO₂ tension لما علي دخلك على ال brain

ال CO₂ جوا ال brain يتفاعل مع مية المخ ،

إيه دا !!! هو مخنا فيه مية ؟؟؟!!

أه مية المخ اسمها ال CSF

ال Cerebro spinal fluid

وهنحكيلكم برده إزاي اتصنع وإيه فوايده وإيه تركيبه أدام إن شاء الله

مية المخ اسمها ال CSF

ال Cerebro spinal fluid

ال CO₂ مع المية اللي جوا مخنا

في وجود الإنزيم التاريخي (ال carbonic anhydrase)

ينتج من التفاعل ده مين ؟؟؟

H₂ CO₃

الي بيرجع يتفكك إلى

هيدروجين (H) ، و بيكربونات (HCO₃)

إنت عارف بقا الهيدروجين الي نتج من التفاعل ده

هو الي بيروح ال central chemo receptor

يبقى في الآخر يا أولاد ،

هل ال CO₂ في الدم لما علي ، هو الي راح شغل ال central chemo receptors ؟؟؟ هل الموضوع direct ؟؟؟

لا ،

أومال الموضوع إيه ؟؟؟

indirect

كمان مرة ،،

central chemo receptors عايزك تعرف عن ال

ثلاث معلومات

أولاً مكانه رخم ،، مكانه موصوف بطريقة رخمه

حد فاكرو؟؟؟

beneath ventral surface of the medulla

ال Central chemo receptors بحرف ال C بتشتغل بحاجة واحدة ال CO₂ tension بحرف ال C

لما يعلى في الدم

بيشتغل direct ولا indirect؟؟؟

indirect

معنى ال indirect

إن ال CO₂ لما علي في الدم ،، مش هو الي راح اشتغل علطول

لا ،، دا لف لفة كده الأول

ال CO₂ علي في الدم ،، دخل جوا المخ

ذاب في مية المخ ،، راح مدي (give) carbonic acid (H₂ CO₃)

فكت ،، طلع هيدروجين (H)

الهيدروجين هو الي شغل ال central chemo receptors جوا المخ

يبقا ال CO₂ اشتغل direct ولا indirect؟؟؟

indirect

طيب ،،

حديث الأذكاء ،، تفتكروا يا أولاد ،، لو ربنا كان حاطط جوا المخ بتاعنا buffers كتيرة

كان ال CO₂ مجرد ما دخل جوا المخ ،، عادلناه ،،

يبقا كده مفيش حاجة هتشتغل ال central chemo receptors

المصلحة كانت تقتضي إن ال CO₂ لما يعلى في الدم

يخش جوا المخ ،، سيبه ،، سيبه يدوب في المية

متعادلوش

أصل التفاعل ده هو الي هيطلع ليا الهيدروجين في الآخر

وينشط لينا الي إحنا عايزينه

يبقا لما يجيب في ال M.C.Q.

هل تفتكر جوا المخ ال buffer كتيرة ولا قليلة؟؟؟

قليلة طبعا

مكتوب عندكم ،،

less CSF buffer

بروز لي كلمة less الله يكرمك عندكم

طبيب ،

ال chemo receptors اللي بره المخ كان اسمها إيه ؟؟

peripheral chemo receptors

تعالوا نعرف عنها 3 معلومات

أولاً فيه رسمه anatomy كده ، مرسومة في ال diagram

في الأناتومي يقولك : فيه حاجة اسمها ال aortic arch

الي مرسومة عندكم بالعرض ،

طالع منه artery كده لفوق اسمه common carotid artery

يبقا اللي نايم بالعرض ده اسمه إيه ؟؟؟

aortic arch

طالع منه إيه ؟؟؟

common carotid artery

ال common carotid artery ده بيرجع يتفرع فرعين :

• واحد يطلع بره الجمجمة ، يسموه إخوانا في الأناتومي external carotid artery

ما هو الي طالع بره الجمجمة ، الي خارج بره ، ده external

• إهما الي داخل ، جوا الجمجمة ويغذي مخك نسميه internal carotid artery

في الديجرام عندكم ،

ال internal carotid أوله حتة منفوخة

دي الي يسموها carotid sinus

كمان مرة نراجع الأناتومي ، نراجع الأناتومي

مين بالعرض خالص تحت ؟؟؟

ال aortic arch

طالع منه إيه ؟؟؟

common carotid artery

اتفرع فرعين ، الي طلع بره الجمجمة اسمه إيه ؟؟؟

external carotid artery

الي دخل جوا الجمجمة ، اسمه إيه ؟؟؟

Internal carotid artery

وفي أول ال Internal carotid artery فيه انتفاخ

كلمة sinus يعني انتفاخ

اسمه إيه الإنتفاخ ده بقا ؟؟؟ carotid sinus

أول معلومة ،، عايزين نعرفها عن ال peripheral chemo receptors
ما فيه تلت معلومات هنعرفهم إن شاء الله عن ال peripheral chemo receptors
هو موجود فين؟؟

ال peripheral chemo receptors دي يا أولاد عبارة عن أربع حبات في حجم حبات البسلة
عارف حباية البسلة الصغيرة ،،
ال peripheral chemo receptors عبارة عن أربعة bodies

ال bodies دي عبارة عن أربع حبات في حجم حباية البسلة
محطوطين فين الأربع حبات دول؟؟؟

- اتنين اسمهم aortic bodies
عندك في الديجرام على ال aortic arch دائرتين متنقطين كده مرسومين على ال aortic arch
دول اسمهم aortic bodies
على ال arch of aorta ده مكانهم

- الحبايتين التانين بيقولك موجودين عند ال bifurcation of common carotid artery
كلمة bifurcation هي مكان الي اتوزع فيه ال common carotid artery
مش كانوا زمان العيال بيلعبوا مع بعض فوركياشين
كل واحد يجري في ناحية
ال bifurcation يعني مكان الفوركياشين ،، المكان الي اتقسم فيه ال common carotid artery
فيه حبايتين اسمهم carotid bodies
بص فين؟؟؟

في الرقبة فوق خالص ،، تحت الفك علطول
هو دا مكانهم ،، هما دول ال carotid bodies
دا مكانهم

يبقا فين موجودة ال peripheral chemo receptors؟؟؟
أربع حبايات في حجم حباية البسلة
الأتنين اللي على ال arch of aorta اسمهم إيه؟؟؟
aortic bodies
والأتنين اللي على ال carotid اسمهم إيه؟؟
carotid bodies

والله خايف لتتلخبطوا فيهم في الشفوي
الموجود عند زورك (حلقك) من فوق خالص
دا مين؟؟؟
carotid body

أنا عندي ال peripheral chemo receptors
عبارة عن أربعة bodies
اتنين على ال aortic arch اسمهم إيه؟؟؟
aortic bodies
واتنين فوق عند ال bifurcation of common carotid artery اسمهم إيه؟؟؟ carotid bodies

بقولك الطالب الي بيفكر ، لازم ينتبه لنقطة
ال peripheral chemo receptors دي ، موجودة اتنين عند رقبتك
واتنين في صدرك

طيب ،

دول لما ننشطهم إزاي ينشطوا مراكز المخ الي في دماغي ويزودوا النفس؟؟؟
مبة المية ، المجموعتين دول من ال bodies
طالع منهم أسلاك ، طالع منهم أعصاب
هي الي هتنشط مراكز التنفس جوا المخ

يا أولاد ، الشرح بيملي نفسه
إنتوا عندكم aortic bodies و carotid bodies
دول برا الجمجمة

فدول لما ننشطهم ، إزاي ينشطوا مراكز التنفس جوا مخي ؟؟
لازم طالع منهم أسلاك ، تبعت كهرباء ، تنشط مراكز النفس في المخ

تعال بقا ، لأن هي دي ثاني نقطة
مين الأسلاك الي طالعة؟؟؟
مين الي موجودين هنا في صدرك على ال aortic arch؟؟؟ اسمهم إيه؟؟؟
aortic bodies
الحنة دي ملعب أنهي nerve؟؟؟
vagus

يبقا ال Nerve الي طالع من ال aortic bodies في الديجرام ورايح لمراكز التنفس في المخ
اسمه vagus nerve رقم عشرة في ال cranial nerves

ال carotid bodies في رقبتني من فوق
أدام البلعوم (ال pharynx)
فبقا عندي nerve موجود في ال anatomy اسمه لسان وبلعوم
الي هو على بعضه اسمه glosso pharyngeal nerve

ال nerve الي طالع من ال carotid bodies رايح لمخك
ال glosso pharyngeal nerve (ال nerve رقم 12 في ال cranial nerves)

عارف مين من الكيماويات بيشغل ال peripheral chemo receptors؟؟؟
كلهم ،

الي يشغل ال peripheral chemo receptors ،
mainly << نقص ال oxygen tension
لكن
كمان بيشتغلوا بزيادة ال CO₂ tension ، وزيادة أيون الهيدروجين

mainly
Only وليس

ال peripheral chemo receptors بتشتغل بالتلاتة

- نقص ال oxygen tension أهم حاجة تنشطها
- لكن ،، بتنشط كمان
- بزيادة ال CO₂ tension
- وزيادة أيون الهيدروجين

فيه هنا رقم مهم ،، تحفظوه
يبقا ال oxygen tension إحنا حافظين الضغوط بتاعته
كانت كام؟؟
40 ،، 100
كام ال arterial؟؟
100

هنا ال peripheral chemo receptors تشتغل وتنشط لك النفس
لما الضغط بتاع الأوكسجين يوطى ويكون ما بين 60 و 30
يعني مش 100 بقا دا قليل أووي
الرقم ده يتحفظ من 60 إلى 30

طبيب ،،
أنا عايز أطمئن ،، بصوا كده ☺ على الديجرام أو تخيلوا معايا
إنت شايف مين اللي بيشغل جوا وبره من الكيماويات؟؟؟ مين في ال 3 كيماويات بيشغل جوا وبره؟؟
ال CO₂ tension
صدقتوني ،، لما كنت عمال أقولكم طول عمري في ال respiration
إن أهم منشط للنفس زيادة ال CO₂ tension
مش نقص الأوكسجين

ال CO₂ tension لما بيعلى ،،
• بيشغل جوا لوحده على ال central chemo receptors
• وبيشتغل مع الباقيين على ال peripheral chemo receptors
بيشتغل جوا وبره ،،
دا ال CO₂ tension

طبيب ،،
هتقولوا : إحنا شايفين إن فيه chemo receptors جوا المخ وبره المخ
مين أقوى في تنشيط النفس؟؟؟
اللي جوا
مكتوب عندكم ،، إن اللي جوا دي 85 % من ال respiratory drive
يعني خمسة وثمانين في المية من القوى المحركة للنفس هي ال central chemo receptors ،، أهم منشط

يبقا ال peripheral كام ؟؟؟

15 %

الأرقام دي مش هزار على فكرة

طيب ،،

يبقا الضغط هيكون من 60 إلى 30 ملي متر زئبق (mmHg)

مين شغال جوا وبره ؟؟؟

CO₂ tension ال

تفتكر لو إنت معاك قرشين ربنا فتح عليك بيهم
وفيه أدامك مشروعين هتخط فيهم فلوسك

مشروع بيكسب كتير ،، ومشروع بيكسب قليل

تفتكر بالعقل ،، بالمنطق ،،

هل أحط معظم فلوسي في المشروع الي بيكسب كتير ولا المشروع الي بيكسب قليل ؟؟؟
كتير طبعاً

مين في الأثنين أقوى في تنشيط النفس ،، ال central ولا ال peripheral ؟؟؟

ال central

ال CO₂ يلعب على الملعبين ،،

تفتكر يحط معظم تأثيره central ولا peripheral ؟؟

ال central

يقولك : 80 % من شغل ال CO₂ على ال central

20 % بيكون peripheral

لأن ال central ده الملعب المهم ،، نخط فيه معظم شغلنا

دا ال CO₂

طيب ،،

أنا متعود مدخلش في التلاتة الآخرين

إلا لما نقفل التسعة على بعض كويس ،، إن شاء الله

كمان مرة بقا براحة ،،

أول 3 نقط كانت مقدمة ،، المراجعة الأخيرة بقا ليهم

3 كيماويات ينشطوا النفس

الي هما مين ؟؟؟

• زيادة ال CO₂ tension

• أو زيادة ال hydrogen ions

• أو نقص ال Oxygen tension

عكس الكلام ده يعمل إيه ???

slight inhibition

كل ما زاد ال metabolic rate يحصل إيه في ال respiration ???

يزيد

الكيموإيات ،، يبقا chemo receptors اللي يشتغل عليها

في المخ تبقا central chemo receptors

برا المخ يبقا peripheral chemo receptors

دول ثلاثة ودول ثلاثة

ال central مكانها فين ???

beneath ventral surface of the medulla

ال Central بحرف ال C ،، بيشتغل ال CO₂

وبيشتغل direct ولا indirect ???

indirect

ال peripheral ثلاث معلومات

مكانها ???

أربعة :

• اتنين على ال arch of the aorta << aortic bodies

• واتنين عند ال bifurcation of the common carotid << carotid bodies

طالع منهم أسلاك ،،

ال aortic bodies تبعت vagus

ال carotid bodies تبعت glosso pharyngeal

كل الكيموإيات بتشتغل ال peripheral

بس mainly << نقص ال oxygen tension

ال oxygen tension من كام لكam ???

من 60 إلى 30

مين أهم لتنشيط النفس ال central ولا ال peripheral ???

ال central

كام في المية ???

85 %

ال CO₂ بيشتغل بره وجوا ،، معظم شغله ال central ولا ال peripheral ???

ال central

كام في المية ???

80 % ،، ومتلخبطوش الأرقام لو سمحتم

تعال ل3 ملاحظات ،، وكاتبك أنا N.B. ،، N.B. ،، N.B. (علي رأي الدكتور المطري في الجراحة وهو بيهز يعني يأخذ إلنا)

هنقول 3 نقاط

- هنقول ملحوظة على ال central
- وهنقول ملحوظة على ال peripheral
- وهنقول ملحوظة على الأثنين

حتى الترتيب فيه فكرة عشان متنسوش حاجة إن شاء الله

تعالوا لل note بتاعت ال central

يقولك : لو هيدروجين الدم عالي ،، هيدروجين علي ،، الي في الدم
ده مش هيعرف ينشط ال central chemo receptor
لأنه مبيعديش ال blood brain barrier

فيه طالب بقا ،، وهو بيذاكر بيسرح ،، والسرحان ده مشكلة

يقولك : إزاي !!! ما هو قالنا في الحصة الي بيشغل ال center الهيدروجين

يا بابا الهيدروجين الي طلع لنا في ال center

ده هيدروجين محلي الصنع ،، طلع جوا المخ

الي عدى ال barrier ال CO_2

الي بعد ما عدى اتفاعل مع المية جوا المخ وأدى carbonic acid ($H_2 CO_3$)
وإدى هيدروجين جوا المخ

هيدروجين الدم نفسه مبيعديش ال barrier

دا سؤال M.C.Q. مضمون ده

دا بيحي كتير خلي بالك من الحتت دي

الي مذاكر نص نص ،، فاهم إنه بينشط النفس

إحنا بنسألك بقا

هل ده بيعمل ال stimulation ال central chemo receptors ???

لا

ليه ؟؟

لأنه مبيعديش ال blood brain barrier

طيب ،،

تعال بقا لل peripheral

فيه ملحوظة ،، بتقولك :

لو إحنا جنبنا كلب ،، (فيه كلبين النهاردا)

لو جنبنا كلب وقطعنا ليه ال vagus وال glossopharyngeal nerves

تفتكر لما أقطعهم ،، إنت كده لغيت عمل مين ???

ال central ولا ال peripheral chemo receptors ???

ال peripheral chemo receptors

كده كأنهم مش موجودين يا أولاد

زي بالظبط ،، لما تقولي : إحنا عندنا عدة تليفون جميلة أوووي في البيت وغالية أوووي
بس أنا جيت على سلك التليفون وقطعته
هتتكلم إنت إزاي دلوقتي من التليفون ده

تخيل إنت الكلب ده دلوقتي قطعت الأسلاك اللي طالعة ليه من ال aortic bodies
ومن ال carotid bodies
كأنك لغيتهم

تفكروا يا أولاد لما نلغي عمل ال peripheral chemo receptors مين من الكيماويات تأثيره خلاص ضاع في النفس؟؟؟
نقص ال oxygen tension
وزيادة ال hydrogen ions

مين اللي فلت من المذبحة؟؟؟

ال CO₂ tension
لأنه شغال بره وجوا ،، ومعظم تركيزه جوا
كام في المية؟؟؟
80 %

كمان مرة ،، اللقطة دي
إنت لما تقطع ال vagus وال glosso pharyngeal nerves
إنت لغيت أنهي receptors ال central ولا ال peripheral؟؟؟
ال peripheral chemo receptors
يبقا من الكيماويات الثلاثة اللي قولناهم ،، فيه اتنين معدوش هياثروا على النفس تاني في الكلب ده
مين اللي تأثيرهم ضاع؟؟؟ اللي هما شغالين ال Peripheral بس
نقص الأوكسجين ،، وزيادة ال hydrogen ions

أومال ليه ال CO₂ لسه شغال وليه تأثير؟؟؟
لأنه شغال برا وجوا
ومعظم تركيزه جوا
ودا كان يمثل أد إيه في المية؟؟؟
80 %

اقرأ ال Note اللي عندك ،،

قطع ال vagus وال glosso pharyngeal nerves ،،
لغيت تأثير نقص الأوكسجين وزيادة الهيدروجين اللي هما شغالين على ال peripheral

نيجي للملاحظة اللي عليهم هما الأتنين
ال Peripheral وال central
بيقولك : الناس اللي بتأخد narcotics (مهدئات)
النرجسجات اللي بتعمل narcosis

اللي بيأخد narcotic بكمية كبيرة ،،

طبيب ،

إنتوا بتقولوا أقوى منشط للنفس ال CO_2 أصله شغال فين وفيه؟؟؟
peripheral و central

مكتوب عندكم ،، يقولك : لو الهواء اللي بتتنفسه فيه CO_2 < 3 %
3 % !!!!

هو الهواء اللي حوالينا ده فيه أد إيه CO_2 ؟؟؟
تقريباً مفيش
دا كان 0.03 %
تقريباً مفيش يا أولاد

الهواء اللي محوطنا ده ،، حوالي 80 % نيتروجين
و الباقي أوكسجين
يكاد يكون مفيش CO_2 خالص

إنت عارف لو الهواء اللي بتتنفسه ،، حطينا ليك فيه CO_2 < 3 %
والباقي أوكسجين ونيتروجين وحلو أوووي
نفسك يزيد الضعف ،، يعني بدل ما بتتنفس 12 مرة ،، تبقا 24 مرة في الدقيقة
أقولك حاجة ،، كتاب الكلية شالها ومكنش يصح يشلها

أقولك إيه بقية المعلومة في الكتب المحترمة
خليها في دماغك ،،
إنت عارف لو حطينالك CO_2 < 10 %
في الهواء اللي إنت بتتنفسه ،، نفسك يزيد عشر مرات
متخيل المنظر
عشان تشوف قوة ال CO_2 أد إيه في تنشيط النفس
مممكن يوصلك عشر مرات
دا حاجة مش طبيعية
دا حاجة experimental ،، جربوها على animals

طبيب ،

إنت بتقول ال peripheral بيشتغلوا oxygen tension من كام لكام؟؟
من 30 إلى 60
أحلى شغل ليهم
مكتوب عندكم بيزودوا النفس 6 مرات ودا آخرهم

في حين إن ال CO_2 في التجارب معاهم وصل معاهم لعشر مرات

في ال peripheral أقصى حاجة ست مرات نتيجة نقص الأوكسجين
الظاهر عجبتهم اللعبة

قالك : ال peripheral chemo receptors تزود النفس ست مرات لو الضغط ما بين 60 و 30 ضغط الأوكسجين

طيب ،

ما زيادة الخير خيرين ،

لو الضغط الأوكسجين بقا 20 ملي متر زئبق < نفسك يقف خالص

مكتوب عندكم direct inhibitory effect

فيه ناس مش مقتنعة بالكلام ده

يا أولاد ،

إنتوا فاكرين ال ventral respiratory group وال dorsal respiratory group

مراكز التنفس الي قولناها

هل إنتوا فاكرينها حته حديدة لازقة في مخك

زراير جوا (buttons) تدوس عليها on و off

معدن يعني

tissues دول

أي tissue لو منعت عنه الأوكسجين هيبطل يشتغل

مراكز التنفس في المخ تعطل ، ما هي tissue

لو الأوكسجين وطى أوووي في دمنا (Oxygen tension) بقا عشرين

ساعتها لا peripheral ولا غيره

مراكز التنفس جوا المخ نفسها ال VRG و ال DRG والمجنون والكلام ده كله يتوقف عن العمل

direct inhibitory effect

زي أي tissue لو منعت عنه الأوكسجين هيموت

direct inhibitory effect

مين أقوى كمنشط للنفس ؟؟؟ ال CO₂ ولا الأوكسجين ؟؟؟

ال CO₂

مكتوب عندكم paragraph في نهاية ورق المذكرة

إن نقص الأوكسجين كمنشط للنفس أضعف (weaker stimulation على ال respiration)

عن زيادة ال CO₂

ل 3 أسباب ،

قولوا إنتوا واحد وأنا أقول الباقيين ؟؟؟

ليه ال CO₂ أقوى في نظرك ؟؟؟

لأنه شغال central و peripheral

في حين إن الأوكسجين شغال فين بس ؟؟؟

peripheral بس

فيه سببين تانيين الي هما واحد واتنين

أنا هقولهم ليك إن شاء الله

ليه يا أولاد الأوكسجين نقصه مش قوي أوي يعني كمنشط للنفس ؟؟

إنتوا بتقولوا الأرقام ، إمتى ال peripheral بتشتغل ويبقا ليها تأثير ، لو ال oxygen tension كام ؟؟؟

من 60 إلى 30

الله ،، يعني كأن ضغط الأوكسجين لما ينقص من الـ 100 الي هي الـ Normal لغاية 70 ،، مبينشطش النفس أوي

كمان مرة ،،

إنت مكتوب عندك إن شغل الـ peripheral chemo receptors
mainly < بنقص الـ oxygen tension

من كام لكام؟؟

من 60 إلى 30

يعني كأن الـ Peripheral دي مبيتشغلش كويس ،، مبيتشطش النفس كويس
ما بين ضغط 100 إلى 70

تعال أقولك ليه بقا؟؟؟

يقولك : الأوكسجين لما ضغطه بيوطى

ما بين الـ 100 لغاية الـ 70

فيه حاجتين الحقيقة مبيخلوش نفسك يشتغل كويس ،، مبيخلوش ينشط
أولاً ،، نقص الأوكسجين نفسه بيقلل شغل مراكز التنفس في المخ

الـ VRG والـ DRG

كانك يا أبو زيد ما غزيت

يعني الأوكسجين لما ينقص حبة تحت الـ 100

يشغل الـ peripheral chemo receptors ودي حاجة عايزة تزود النفس

وفي نفس الوقت ،،

نقص الأوكسجين ده بيقلل عمل مراكز النفس في المخ

فالتأثير مهواش قوي أوووي يعني

حاجة عايزة تزود وحاجة عايزة تقلل

عشان كده تأثيرها مش قوي على النفس

أقولها ثاني ،،

نفسى الناس متسرحش ،، تنتبه للشرح وأنا بقوله على مهل

ليه لما الأوكسجين ضغطه يوطى ،، لازم ضغط الأوكسجين يوطى أوووي عشان النفس يبتدي يزيد

لازم يوطى ويكون ما بين 60 إلى 30

يقولك : أصل في الضغط من 100 إلى 70

فيه حاجتين :

أولاً ،، الأوكسجين نفسه بقا هيشغل الـ peripheral chemo receptor ودي حاجة عايزة تنشط المخ

والنفس عايز يزيد

نقص الأوكسجين في الحتة دي ،، بيعمل inhibition مباشر على مراكز النفس في المخ

ودي حاجة عايزة تعمل إيه في النفس؟؟؟

تقلل النفس

بيقوا حاجتين حصلوا عكس بعض ،، يعادلوا بعض

حاجة ثانية ،،

إنت عارف الأوكسجين لما ضغطه يوطى حبة قليلين ،، من 100 إلى 70
نفسك زاد ،،

إنت كده بتطرد مين ؟؟

ال CO_2

يقوم ال CO_2 اللي في جسمك يحصله إيه ؟؟؟

يقبل

وأنا علمتك في المقدمة بتاعت الورق ،، لما ال CO_2 tension يقل ،، دا بيعمل إيه ؟؟؟

slight inhibition of respiration

الله ،،

عشان كده النفس مزادش

كمان مرة النقطة الثانية ،،

ال oxygen tension ،، إحنا بنحكي ليه لازم يوطى جامد ،، عشان بيان ليه تأثير على النفس

ليه من 100 إلى 70 مدناش شغل حلو ؟؟؟

النفس يزيد حبة ،، يشغل ال peripheral

كده إنت لما بتطرد ال CO_2 ،،

فال CO_2 جوا جسمك يقل ،،

ودا لما بيقل بيعمل إيه في النفس ؟؟؟

slight inhibition

15 نقطة كانت إجابة السؤال ،،

وخذت حوالي 45 دقيقة بالضبط

بقية الحصة كلها ،، بسيطة إن شاء الله

فيه ناس بتسأل ،،

إشمعنا لما ضغط الأوكسجين يوطى تحت ال 70 ،، النفس زاد ،، المفروض بقا اللي جوا يحصله inhibition وال peripheral تشتغل

ويعادلوا بعض ؟؟؟

لا لا ،،

من 60 إلى 30 ،، كمية الكهرباء اللي طالعة من ال peripheral chemo receptors

تفوق اللي نايم جوا ،، تفوق مراكز التنفس وتنشطها غصب عنها

نزلنا تحت ال 30 وبقينا عشرين ولا حاجة

مراكز التنفس مش هيشغل معانا خلاص

الجزء التثليل في الحصة خلص خلاص ،، الباقي سهل إن شاء الله

الكلام اللي جاي اكتبوا عليه شفوي و M.C.Q.

Nervous regulation of respiration

فيه عندي 6 أماكن بيعتوا كهرباء ،،

يأثروا في النفس بتاعك ،،

من فوق لتحت ،، مين الست أماكن ؟؟؟

الباشا أعلى واحد عندكم الي هو مين؟؟؟

ال cerebral cortex وال hypo thalamus (الي هو تحت السرير)
أدي مكان

الجهاز التنفسي فيه حاجتين :

ال upper air passages

وال Lung

على بعض أنا كاتبلك ال respiratory receptors

إنت عارف في إمتحان 2002 دور أول ، السؤال كان للدفعه

اشرح تأثير respiratory receptors على التنفس

كان المفروض الطالب يشرح ال upper air passages وال Lung

يبقا خلي بالك ،

الكلمة دي مفتاح للسؤال ، الأثنين مجتمعين (lung وال upper air passages)

الي هما بيسموهم ال respiratory receptors

وهنشرح الكلام ده دلوقتي ، وهنأخذهم واحد واحد إن شاء الله

هنأخذ منهم 4 النهاردا إن شاء الله و2 المرة الجاية

هما 6 كبار

يبقا لغاية دلوقتي ، خدنا 3 أماكن هيبيعوا كهرباء هتأثر في النفس

أول واحد فوق كان مين؟؟؟

ال cerebral cortex وال hypothalamus

وفي الجهاز التنفسي حنتين؟؟؟

ال upper air passages

وال lung

ال heart رابع حاجة

ال viscera (الأحشاء) دا خامس مكان بيعت كهرباء تأثر في النفس

العضلات دا سادس حته

١. cerebral cortex and hypo thalamus

٢. upper air passages

٣. lungs

٤. heart

٥. muscles

٦. viscera

إحنا هنأخذ من الستة دول ، أربعة النهاردا إن شاء الله ونخلي اتنين المرة الي جاية

أول واحد في اللي هناأخدهم النهاردا ال Muscles

والله معلومتين سهلين ،،

يقولك : ال Muscle اللي في ال chest wall

الي هما ال inter costal دول يا أولاد اللي ما بين الضلوع

يقولك : لما تأخذ نفس جامد ،، وتقلأ صدرك هواء

ال muscle اللي ما بين الضلوع بتتشدد

يحصل فيها stretch

تقوم تبعت كهرباء ملحك ،،

تفتكروا بالعقل هل ال receptors دي لما تشتغل

هل تبعت كهرباء تعمل respiration stimulation ولا respiration inhibition ???

inhibition of respiration

الحنة دي ملعب مين ???

ال vagus

يعني ممكن أعتبر دول ،، واحد من ال Off switches ???

أيوه

ودا الثالث ال off switch

إن شاء الله لما نيجي نقولكم في آخر التفريغات

إزاي تقفل سؤال تحريري ،، هتلاقيني بحطلك 3 off switch

فاكر كان مين اللي فوق من الحصة اللي فاتت ???

النيموتاكسيك اللي كان بيوقف المجنون

وكان من تحت reflex اسم اتنين علماء اسمهم إيه ???

ال Hering وال Beruer reflex

ودا الثالث بتاعهم ،، ال chest wall muscles

كاتيلك : إن ده بيخليك متأخدش نفس جامد أوووي بال tidal volume

دا واحد بيوقف النفس

طيب ،،

التاني سهل ،، تفتكر قام جري ،، بيجري هيحصل إيه في نفسه ???

يزيد

مكتوب عندكم اللي بيجري بيشتغل حاجة اسمها proprioceptors (مُستقبلات الحركة)

دي موجودة في ال Muscle وال joints وال Ligaments

تبعت كهرباء تنشط ليك النفس

يبقا عضلات صدرك وعضلات رجليك

عضلات صدرك ، بتعمل stimulation ولا inhibition ???

بتعمل Inhibition لما بتتشد

عضلات رجليك وإنت بتجري تبعت كهرباء بردو بتعمل stimulation ولا inhibition ???

بتعمل stimulation

طيب ،

سؤال نظري مهم ، وكلام حلو هيعجبكم إن شاء الله ، والحصه الي جاية هحكيلكم حكاية التثاؤب والزعطة وحاجات هتجوبها إن شاء الله

وتلاقي واحد بيتاوب تلاقي الي حواله معاه ☺

دا هنعرفه الحصه الي جاية إن شاء الله

Reflexes of air passages (3 X 4)

نظري مهم السؤال ده ،

السؤال ده ليه صيغة أخرى ، protective reflexes of air passages

حط علامة يساوي ما بين

Reflexes of air passages = protective reflexes of air passages

أقول تاني ،

الطالب لازم يضيع وقت في العنوان وهو بيذاكر

يعني الطالب مستخسرش دقيقة ولا اتنين إنك تبص على العنوان كويس

السؤال هنا ،

يجي يقولك اشرح ال reflexes of air passages

أو ميكتبش دي خالص

ويجي يقولك اشرحي ال protective reflexes of air passages

الأتنين هما هما

أنا عندي يا أولاد ثلاثة reflexes كل واحد هنعرف عنه 4 نقاط إن شاء الله

اكتبوا على الورقة دي لو سمحتوا 3 X 4

ال sneezing (يعني العطس)

حاجات حلوة هنحكها النهاردا إن شاء الله

والمره الجاية إن شاء الله هيكون فيه الزعطة والتثاؤب

ال sneezing (العطس) ، وال swallowing (البلع) ، وال coughing (الكحة)

دول الثلاثة reflexes

كل واحدة هنتكلم عنها في أربع نقط

تعالوا نبتدي بالعطس

مش عيب يا أخي عمال تعطس وتكح طول عمرك ، وإنت مش عارف إيه الي بيحصل !!!

هحكيلك إن شاء الله

أي واحد بيعطس ،، العطس (sneezing)
 القصة بتبتدي إنه يحس إن مناخيره بتلعب الأول شوية
 فيه حاجة في مناخيره ☹ ،، فيه حاجة بتلعب في مناخيره ☹
 تراب ،، irritant في مناخيره

الي بيعطس ده ،، القصة بتبتدي إنه يحس إنه فيه حاجة جوا مناخيره
 فيه حاجة بتلعب جوا مناخيره ،، فيه تراب جوا مناخيره
 بص لل stimulus هتلاقي أول معلومة في العطس
 ال irritant زي التراب في مناخيرك
 الطالب الذي ،، النهاردا هعلمكم إن شاء الله
 الي يعرف مكان ال stimulus فين ،، هيجيب ال nervous connection سهل أوووي
 هيقولي مين ال nerve الي طالع ويأثر على النفس

شوف النهاردا هنجربها مرات ومرات
 هتلاقي الدنيا ماشية صح إن شاء الله

الي هيجيب مكان ال stimulus صح
 هيجيب ال nervous connection صح

قل لي مكان ال stimulus
 أقول لك : ال Nervous connection

مين ال nerve الي طالع من مناخيرك شايل ال sensation ورايح للمخ ???

أنا عايز أسمع الغلطة عشان أعقب عليها
 الي قال ال facial ،، بس عايز أصلح ليكم المعلومة
 عشان كلنا منغلطهاش إن شاء الله

ال facial nerve مرة سبعة
 دا ال cranial nerve ال Motor بتاع وشك
 دا الي جي من المخ ،، وبيحركك عضلات وشك
 دا ال efferent الي جاي لوشك من فوق

إمها الي شايل ال sensation وطالع ،، ال trigeminal nerve
 ال cranial nerve رقم خمسة

أنا عارف إنكم مكنتموش هتجاوبوا
 أنا كنت مستني أسمع الغلطة

أتمنى متغلطوهاش
 انتبهوا ،، ال facial كمان مرة ،،
 ال facial دا جي يشغلك عضلات وشك

Motor ده

لكن ،

اللي شاي ال sensation وطالع هو ال trigeminal nerve

يبقا عرفت معلوماتين في العطس ،

ال irritant فين ؟؟؟

في ال Nose

مناخيرك بتلعب قبل العطس

يبقا مين ال Nerve اللي طالع ؟؟؟

ال trigeminal nerve

وهياثر على النفس

العطس ده عبارة عن إيه ؟؟؟

الشخص يا أولاد في العطس بيخرج هواء كثير ، عشان يأخذ التراب اللي في مناخيره ويخرج

علمتكم قبل كده ، عشان أخرج هواء كثير

كان لازم أعمل إيه قبلها ؟؟؟

أخذ هواء كثير

هو دا العطس ،

العطس يا أولاد بيحصل ، لما الشخص بيأخذ deep inspiration جوا ،

بيملأ صدره هواء ،

وبعديها forced expiration

يروح مغرّق وش اللي أدامه

deep inspiration

وراها

forced expiration

خلي بالك ،

دا reflex اللي بيعمله ال trigeminal nerve

بؤك بيبقا مفتوح في العطس

بما إننا جبنا العطس ، تعالوا ننزل على الكحة علطول ،

ال coughing

لو سألت أي واحد في الشارع إيه يا بني اللي مدايقك في الكحة ؟؟؟ تقول للواحد من دول إيه اللي مدايقك في الكحة ؟؟

يقولك : أنا صدري حارقني ، ويشاورلك على صدره كده وزوره من فوق

يقولك : صدري وزري حارقني

الناس بتتكلم فسيولوجي

بيقولك صح ،

يقولك : الميكروب أو التراب ، ال bronchi ، trachea ، larynx

هي دي الحتة بتاعت الكحة

صدري حارقني

صدري دي ،، bronchi أساساً و trachea و larynx

تحس إنك في ملعب مين ؟؟؟

ال vagus

شوفت إزاي سهلة ،، طالما جبت مكان ال stimulus

ال Nerve هيطلع من هنا ويسبلك الكحة ال vagus

صدري حارقني يبقا الحتة دي ملعب ال vagus علطول

صح كده ،،

طيب ،،

أنا عندي مشكلة صغيرة يا أولاد في الكحة

الشخص يا أولاد في الكحة لو أخذ نفس جامد (deep inspiration) وراح مخرج الهواء

مش هينفع يخرج التراب أو الميكروب من صدره

ليه ؟؟؟

أصل هنا التراب أو الميكروب مدفون جوا صدرك ،، جوا خالص

أومال في العطس كان فين ؟؟

على طرف مناخيك

كان سهل إنه ينطرد

الكحة إحنا عندنا مشكلة ،، إن التراب مدفون جوا صدري جوا ،،

فحتة إن الشخص يعمل deep inspiration ويروح مخرج << دي مش هتنتفع لوحدها

أومال إيه اللي بيحصل ؟؟؟

هنعمل لعبة كده باستخدام ال glottis

قبل ما أقول اللعبة ،، أنا عايز أتأكد إنكم فاكريه ،،

فاكر كان إيه هو ال glottis ؟؟؟

منطقة الأحبال الصوتية

بداية الحنجرة ،، اللي هي تفاحة آدم في الولاد ،، من فوق فيه اتنين أحبال صوتية

2 vocal cords

واحد كده وواحد كده

منطقة الأحبال الصوتية في بداية الحنجرة هي دي منطقة ال glottis

افتكرناها

إنت عندك بقا الحتة دي مقفولة والحتة دي مقفولة

وفين حبلين

شوفوا بقا ،، لو الأحبال الصوتية الأتنين بَعاد عن بعض

كده يقولوا ال glottis مفتوح

يعني الهواء ممكن يخش ويخرج جوا الرئة براحتة

إنما لو الأحبال الصوتية قابلوا بعض في النص
هل كده ممكن الهواء يخش جوا الرئة أو يخرج ???
لا

يقولوا دي اسمها ال glottis مقفول

عرفت يعني إيه كلمة glottis
طيب ،

بص بقا إيه اللي بيحصل في الكحة ???

تابعني بقا ☺

خلي بالك دا reflex ده شغل ال vagus

دا reflex

في الكحة يا أولاد ، الشخص بيأخذ deep inspiration
تقوم الرئة تمتلأ هواء على الآخر

بعد كده ال glottis يقفل
يعني أصبحت الرئة دلوقتي بالونة منفوخة هواء على الآخر ، ومقفولة
صح كده

طيب ،

بعد ما ال glottis يقفل ، بيتدي يحصل إيه ???

بيتدي يحصل forced expiration

ال chest عمال يضيق ،، (ما هو في ال expiration ال chest عمال يصغر)

تخيل الرئة ،، بالونة منفوخة هواء على الآخر ، والقفص الصدري من بره عمال يزق عليها ، يزق عليها ، يزق عليها ☺

الضغط جواها يحصله إيه ???

يزيد أوووي

فجأة ،، ال glottis يفتح

يقوم الهواء الكثير اللي جوا يخرج كله بسرعة

يأخذ في وشه أي تراب أو ميكروب

صدق أو لا تصدق (believe it or not)

سرعة رزاز الكحة ،، 900 كيلو متر في الساعة

سرعة طيارة ،، مكتوبة في الكتب الكبيرة

اللي بيكح ،، تأخذك ساطر وتبعد عنه ،،

الرزاز وهو خارج من الفم ،، سرعته 900 كيلو متر في الساعة

هتقولي : طب معملناش اللعبة دي ليه في العطس فوق ???

مش محتاجين نعمل هواء مندفع ،،

لأن التراب في آخر مناخريك

عشان كده في العطس ال glottis بيكون مفتوح طول الوقت طيب ،
كمان مرة العطس والكحة

ال sneezing ،
الي مناخيره بتلعب ، دا ال irritant فين ؟؟؟ في ال Nose
يبقا مين ال nerve الي خارج ؟؟؟
ال trigeminal nerve

في العطس ، بنعمل إيه ؟؟
بنأخذ deep inspiration
وراها forced expiration

حاجتين مفتوحين في العطس ؟؟؟
• بؤك
• وال glottis
عشان تغرق وش الي أدامك وال glottis مفتوح كمان

الكحة بقا ،
صدري حارقني
يبقا ال irritant فين ؟؟؟
في ال bronchi
وفين كمان ؟؟؟
في ال trachea وال larynx
في ملعب مين ؟؟؟
ال vagus

في الكحة عملنا إيه ؟؟
deep inspiration
وراها forced expiration
بس ال glottis الأول closed
وبعدين open suddenly
فهمتوا reflex الكحة

كمان مرة ،
الكحة ال irritant فين ؟؟؟
في ال bronchi وال trachea وال larynx
ملعب مين ؟؟؟
ال vagus
ال glottis في الكحة بيكون ؟؟؟

الأول closed

وبعدين open suddenly

فيخرج الهواء مندفع

طيب،

نخش على البلع بقا، ثالث reflex

ال swallowing (البلع)

في البلع، إحنا هنشغل البلع—وم

في البلع— هنعمل stimulation للبلع—وم (ال pharynx)

ال stimulus هنا يا أولاد في البلع (ال Pharynx)

فيه طالب بقا شغال

تلاقيه كتب

العطس ال irritant بيكون في ال Nose

الكحة ال irritant في ال bronchi

البلع ال irritant في ال pharynx

هو إنت بتأكل تراب بعد الظهر ولا إيه ؟؟؟!!!

هو الأكل ده حاجة Irritant !!! مكنتش أعرف الحقيقة

هنا لما تحط ال stimulus في ال swallowing

تقول << stimulation لل pharynx

ال stimulus هنا stimulus لل Pharynx

مفهوم الأكل

طيب،

عرفت يا ابني مكان ال stimulus في البلع البلعوم (pharynx)

طب أنا عندي nerve ربنا عامله اسمه لسان وبلعوم (glosso pharyngeal)

عمري ما هتلتخط طالما عارف مكان ال stimulus فين

طيب،

في البلع بقا يا أولاد، بيحصل حاجتين،، نفسك بيقف،،

كلمة مهمة أوووي أوووي عشان العملي والشفوي (apnea)

a في اللغة يعني إيه ؟؟؟

لا (مفيش يعني)

pnea يعني نفس

مفيش نفس ☺

apnea

في العملي ولا في الشفوي كمان يقولك : قولي يا ابني خمس أنواع apnea تعرفهم ؟؟؟

أدي أول نوع بيعدي علينا

الحصة الي جاية هنكون جمعناهم كلهم إن شاء الله
اسمه swallowing apnea

سعادتك وإنت بتبلع نفسك بيقف
اسمه swallowing apnea
وال glottis بيقفل

تعالوا أقولكم فيه ؟؟

يا أولاد ،، إنت عارف لا قدر الله لو كان النفس شغال وإحنا بنبلع ،، كانت تبقا مسخرة
ليه ؟؟؟

الضغط جوا صدرك ،، negative
مش قولنا حاجة اسمها Intra pleural هي هي Intra thoracic
وكل ال structures جوا صدرك negative pressure

عارف يعني إيه جوا صدرك negative pressure ؟؟؟

يعني حاجة عاملة زي المكنسة الكهربائية ،، بتشفط على جوا
الضغط ال negative ،، بيشفط على جوا

أنا عايزك بقا تتخيل المسخرة ،،
لو إحنا وإحنا بنبلع ،، بنتنفس
كان نص الأكل الي إنت بتبلعه ،، اتشفط على داخل ال lung

هقولك قصة ،،
أحياناً واحد بيكون بيأكل ،، قاعد يهزر مع الي حواليه مش منتبه
ال reflex ده ميلحقش يشتغل
حتى ال apnea و closed glottis
تقوم رزاية (أرز) صغيرة ،، تروح داخله جوا ال trachea
تلاقي الشخص ده بقا يفضل يكح يكح يكح ،، تحس إن روحه هتطلع
دي رزاية صغيرة ،، عشان إنت هزرت وإنت بتأكل
ملحقش ال reflex يشتغل معاك

عارف بقا لا قدر الله ،،
لو حبة أكل على بعضهم ،، اتشفطوا على جوا ،، مش رزاية بقا
يحصلك 3 حاجات
تبتدي تتخنق عشان دخلك حتى على بعضها جوا على الرئة و تفتس وتموت عادي مش هيجصلك حاجة غريبة يعني

النقطة الرابعة والأخيرة فيهم كلهم ،،
حاجة في ال reflexes كلها ودي النقطة الرابعة فيهم
ال protection of air passage
الي هيكتب الورقة دي بالكامل في الإمتحان كده إن شاء الله هياخد 8 من 10
إيه دا !!!!

بص ☺

مش إحنا هنا عمالين نحكي قصة التراب في مناخيك تعطس ، وفي صدرك تكح ،
هنا اللي مش هيكتب قصة تراب مصر هينقص

فاكر مرة لما حكينا إن جزيئات التراب أكبر من 10 ميكرون

لوقت فين ???

في ال nose

أقل من 10 ميكرون اتزحقلت من ال nose ودخلت على صدرك

شبكت في ال Mucous

كان مين بيدفعها لفوق ??

cilia

وطالعة سنّة ، سنّة لفوق زي سلم الكهرباء

أما لو حاجات صغيرة أوووي أوووي

عدت من مناخيك وصدرك وراحت لل alveoli

كان مين بيأكلها ???

ال alveolar macrophage

بيني وبينك دا مش تليك ، حقهم ،

مش إنتوا العنوان عندكم في الورقة Protective reflexes of air passages

ودول كانوا حاجات Protective

مين اللي يقول إن اللي يلزق في مناخيك دا حاجة مش protective

ولا ال cilia دا حاجة مش protective

ولا ال alveolar macrophages دي حاجة مش Protective

دي عليها همرتين في السؤال

اكتبوا على الورقة دي لو سمحتم

زائد قصة تراب مصر

صفحة واحد في الديجرام

بيني وبينك ، أنا راجل مصحح ، جالنا سؤال protective reflexes

لقيت طالب كاتب ليا 3 reflexes كل واحدة أربع نقط

وراح شارح قصة الجزيئات اللي أكبر من 10 ميكرون

واللي أقل من عشرة ميكرون

وال macrophages

هديله عشرة من عشرة في السؤال

هديله النمرة النهائية

العشرين ورقة اللي بعد الطالب ده مكتبوش قصة تراب مصر ،

أنقص كل واحد همرتين علطول ، العدل يقول كده

والموضوع في الآخر بسيط
وإنت عارف في آخر سنة ستة بيجمعوا درجات الست سنين ويرتبوا الدفعة
الموضوع تراكمي ،، الدرجة هتفرق
الدرجة دي هتفرق ما بين إنك هتتعين معانا هنا ،، أو تتعين في وحدة صغيرة كده في قرية كفر أبو طشت (أنا معرفش فيه قرية اسمها كده ولا لا ،، ولو كان فيه ليهم كل احترام وعلى رأسي من فوق)
وهناك هتلاقي نفسك نسيت الكلمتين بتوع الطب اللي اتعلمتهم

Receptors of lung (3 X 4)

سؤال نظري مهم ،،
وعدددهم ثلاثة ،، وكل واحد هنعرف عنه أربع نقاط
أكتب على الورقة دي 3 X 4

ما هما ثلاثة receptors
وكل واحد أربع نقاط هنتكلم فيهم إن شاء الله

خلي بالك ،،
مش عمال أقولك ال receptors of the lung اتنين
هنشرح مين في ال respiratory receptors؟؟
ال air passages
وال lung

عشان يقظة لو سمحتم ☺
كل مرة بقولكم اعتبروا الحصاة جزء من مذاكرتكم
الإهتمام هيساعدك في المذاكرة إن شاء الله

إيه بقا حكاية ال receptors اللي جوا ال Lung؟؟
حتت حلوة أوووي ،، وهتعجبكم إن شاء الله
الورق ده هنشرح 3 receptors جوا ال Lung هياثروا في النفس
كل واحدة هنعرف عنها أربع نقاط

يبقا من الآخر كده
الورق ده فيه 12 معلومة

إيه رأيك إن في أقل من ربع دقيقة ،، تحفظك 6 منهم إن شاء الله
نفس الرسمة اللي موجودة عندهم في الديجرام
إنت عندك ترتيب ال air passages
بنبتدي الأول بال bronchi ،، اللي هي الشَّعَبِ الهوائية
بعديها حاجات ضيقة اسمها bronchioles ،، الشَّعَبَاتِ الهوائية
بعد ال bronchioles ،، تيجي للحنة الأخرانية بتاعت تبادل الغازات اللي هي ال alveoli
وإنت فاهم طبعاً إن ال alveoli اللي فيها ال pulmonary capillary عشان يحصل ال gas exchange
مش كده ولا إيه؟؟

مش إنتوا عندكم ثلاثة receptors في ال lung ؟؟؟

اتفرج يا سيدي وشوف السهولة في الأمور ،

- واحد فيهم في ال bronchi
- الثاني في ال bronchioles
- الثالث في ال alveoli

قولي ال bronchi ، ال bronchioles ، ال alveoli ، الثلاثة دول ملعب مين ؟؟؟

ال vagus

خلصت ست نقط في الورقة

عرفت مكان كل واحد

وما دام عرفت ال site ، عرفت ال nervous connection

ست معلومات خلصوا في أقل من ربع دقيقة

سهلة ، وشغل مخك

ال Nervous connection هنا ال vagus

أدي ست نقط ، حفظتهم in no time

تعالوا نستنتج مع بعض واحدة واحدة

كل receptor فاضلنا فيه كام معلومة ؟؟؟

معلوماتين

الطالب الناصح زي ما قولتلكم النهاردا عرف مكان ال stimulus

عرف علطول ال nervous connection

أكملها لكم كمان ،

قل لي من هو ال stimulus ؟؟؟

أقول لك : ال function

تعال نمشي إزاي ؟؟؟

أول واحد ، أنا عايزك تشغل مخك

اللي موجود في ال bronchi ، اسمه stretch receptor

دا اسمه فضيحة ، ال receptor هنا اسمه stretch بتاع ال bronchi

يعني دا بيشتغل لما يحصل stretch لل lung

دا هو اسمه stretch

تفتكر لما أقوله stretch وبيشتغل بال stretch

دا معناه إن ال receptor دا بيشتغل مع ال lung << inflation ولا deflation ؟؟؟

inflation

لما أقولك إسمه stretch وبيشتغل بال stretch ، ال stretch يعني يملأ الهواء ولا يفضي ؟؟

تفتكر دا هيشغل مع ال lung inflation ولا deflation ؟؟؟ inflation

تفتكر ما دام ال receptor دا بيشتغل لما الرئة بتتنفخ وتتملي هواء ،
تفتكر بيقا وظيفته ،، بيعت لمراكز النفس stimulatory ولا inhibitory ؟؟؟

Inhibitory

ما هو دا الي كان بيوقف المجنون من تحت
الي سميناه الحصة الي فاتت Hering and Beruer reflex

الأول لازم تشغل مخك وإنت بتقرأ ،
اقرأ لو سمحت ،،

مكتوب عندكم إن اسمه stretch receptor
هتلاقي مكتوب ما بين قوسين (Hering and Beruer)

بيشتغل بال stretch ما بين قوسين (inflation)
inflation يعني تنفخ هواء
عكسها كلمة deflation يعني تفضي هواء

ودا بيشتغل لما الرئة اتنفخت هواء ،، بيقا بيعت يوقف المجنون
inhibitory impulses دا بيعت

طيب ،،
اقرأك الوظيفة الثانية وبعدين نتفاهم
مكتوب عندكم ليه وظيفة ثانية ال receptor
بيعمل إيه ؟؟؟
broncho dilatation

تعالوا مع بعض نفهمها مرة ،، بدل ما نقعد نعيدها عشر مرات ،،
تعالوا نفهمها
فيه قاعدة ذهبية عندنا في الفسيولوجي بتقول :
ال receptor الواحد بيعت نوع واحد من ال Impulse (من الكهرباء) يا excitatory يا inhibitory
تسمعوها تاني براحة ،،
ال receptor الواحد
بيعت نوع واحد من الكهرباء
يا excitatory
يا inhibitory

يعني إيه مش فاهم ؟؟
أفهمك ،،

إنت عندك ال stretch receptor دا زي ما بيعت Inhibitory impulse لي فوق يوقف النفس
هيبت بردو inhibitory لعضلات ال bronchi
ما هو ال receptor الواحد بيعت نوع واحد يا inhibitory يا excitatory

ال receptor دا بيعت inhibitory فوق ،، يوقف النفس

يبيعت inhibitory impulse (كهرباء)
لعضلات ال bronchi

تفتكر لما عضلات ال bronchi نعملها inhibition
يعني relaxtion
بيقا إنت عملت في ال bronchi دلوقتي broncho dilatation

هتقولولي طيب ،، كده اقتنعنا بيه
ودي تفيدنا في إيه ؟؟؟
يا أولاد ،، عملية ال expiration طول عمرها active ولا Passive ؟؟؟
passive
ال receptor بتاعنا دا بيشتغل لما الرئة كانت مليانة هواء على الآخر ،،
إحنا عايزين نضمن إن خروج الهواء الكثير دا بعد كده passive

تفتكر عشان خروج الهواء بيقا passive المفروض نعمل أدام الهواء اللي خارج
broncho dilatation ولا broncho constriction ؟؟
broncho dilatation

طيب ما تيجوا تكتبوها في كتبكم لتنسوها ولا حاجة ☺
اكتبوا لو سمحتم تحت broncho dilatation
to decrease work of expiration
to decrease work of expiration

إنت عندك ال receptor دا يشتغل والرئة مليانة هواء
صح كده ،،
إنت عندك بعد ال inspiration هيجيلك إيه دايماً ؟؟
expiration

إنت عارف الهواء وهو خارج بيكون active ولا Passive ؟؟؟
passive

بيقا عشان نضمن إن مفيش جهد يبذل في ال expiration
نوسع ولا نضيق السكة فُصاده وهو خارج ؟؟؟
نوسع يعني نعمل broncho dilatation

بيقا في القواعد العامة
broncho dilatation
وبالفهم كان لازم broncho dilatation

طيب ،،
تعال لل receptor اللي بعده

ال receptor اللي بعده ده موجود فين؟؟؟

bronchioles ال

طالعة منين؟؟؟

vagus ال

اسمه ،، lung irritant receptor

دا اسمه فضيحة ☹

Lung irritant receptor

كان بيشتغل بال irritant بالتراب يعني

إنتوا اللي هتقولوا وظائفه الثلاثة ،،

تعالوا كده ☺

تفتكروا لو واحد قاعد في أوضة زي اللي إحنا فيها دي

فجأة ☹ فيه تراب دخل علينا من الشباك ،، عادي جداً

شوية تراب من اللي دخلوا عليك في الأوضة

سعادتك استنشقتهم ودخلوا جوا صدرك

يشتغل ال lung irritant receptor عطلول

تفتكر هحك ال receptor دا اللي بيشتغل بالتراب (تراب دخل جوا صدرك)

هل المفروض بيعت stimulatory impulse بقا لمراكز النفس عشان نفسك كده يزيد وتشد بقية التراب وتعييهم جوا

ولا المفروض بيعت inhibitory impulse يوقف النفس؟؟؟ إيه رأيك؟؟؟

المفروض بيعت inhibitory

النفس يوقف

إسمها إيه لما النفس يوقف؟؟؟

apnea

يبقا أول حاجة لازم نفسك يقف

طيب ،،

التراب اللي دخل جوا صدرك ده ،، مش عايزينه يتزحلق لجوا أكثر

مش عايزينه يخش جوا أكثر ،، يبقا المفروض نوسع ولا تضيق ال bronchi قصاده؟؟؟

يبقا broncho constriction

طيب ،،

التراب ده أنا علمتكم من شوية فيه reflex ممكن نطرده بيهم إيه هو؟؟؟

ال cough reflex

شغل ال receptor هنا 3 حاجات (صعب للي ميفكرش)

تراب برا الأوضة ،، دخلوا الأوضة ،، دخل شوية منهم جوا صدرك

تشغل ال lung irritant receptor

عشان منأخذش تراب أكثر المفروض نفسك يحصله إيه؟؟؟ يوقف

اسمها إيه يوقف دي ؟؟؟

apnea

طبيب ،

وعشان التراب ميخش جوا أكثر ، مش عايزينه يتزحلق جوا أكثر

يقوم يحصل إيه قصاده ؟؟؟

broncho constriction

وعشان أطرده أعمل reflex إيه ؟؟؟

coughing

على فكرة القصة دي ،

زمايلنا ، الدكاترة اللي بيشتغلوا في المطار ، مطار القاهرة ☺ أه

بيحكوا لينا على القصة دي كتير أوووي يا أولاد

يقولوا لينا إيه ؟؟؟

كتير أوووي من السائحين اللي بييجوا يزورا بلدنا ، السائح من دول مجرد ما رجله تخرج بره الطائرة

وهو لسه داخل مبنى المطار (أو مال لما يخرج بره هيهيب إيه)

يقولك : مجرد ما ينزل من الطائرة ، صدره قفش

قفش !!!! ؟؟؟

أه ، broncho constriction

ال receptor ده علطول ، مجرد الجماعة السياح ما يشتغل عنهم ال lung irritant

تعملهم ال apnea وال cough وال broncho constriction

ابعت على المستشفى علطول

صدره قفش دي يعني broncho constriction

هتقولي : ما إحنا عايشين زي الفل ☺

ويعني تراب مصر محوطنا من كل ناحية محصلناش حاجة يعني

دي من رحمة ربنا بينا

إن ال lung irritant receptor من النوع ال rapidly adapting receptor

من النوع اللي بيتوقف عن العمل بسرعة

ال receptor ده توقف فينا من زمان ☹

أنا عايزك تتخيل ، لو هو شغال معنا طول الوقت

كانت الشوارع تحولت إلى مستشفيات

وكنا نمنا على الأرصفة ، لأن مش هيلاقوا لينا مكان في المستشفى

كل حنة فيها تراب

broncho constriction كل واحد فينا

لا لا ال receptor ده من زمان باظ خالص

لما تسافر بره شوية وترجع ،

أول ما بترجع يشتغل معاك شوية ، وبعد كده بترجع تمشي حالك

يبقا فهمت يعني إيه rapidly adapting receptor
يعني يتوقف بسرعة

فيه حاجة فوتناها تحت ال stretch
ال stretch مكتوب عنه إنه يتوقف عن العمل ببطء
افهموا يا أولاد ،

ال stretch ده واحد من اللي بيوقفوا المجنون
ميصحش إن دا يتوقف عن العمل ،
دا Hering and Beruer اللي بيوقف المجنون

دا من النوع اللي بيتوقف عن العمل ببطء
حتى ليها فكرة ،
بتاع التراب دا يوقف بسرعة عن العمل ، مجرد ما يشم أول مرة
خلاص ، كمل حياتك عادي
طول ما أنت عايش في مصر خلاص ، مفيش مشكلة معاك
بتوع بره اللي يضايقهم

إفها ال stretch
ده slowly adapting
ميصحش يتوقف عن العمل ، دا واحد من اللي بيوقفوا المجنون

طيب ،
تعالوا بقا لل receptor الأخير ،
اللي في ال alveoli
اسمه جميل أووووي ،
اقرأ اسمه كدا ، Juxta pulmonary capillary receptor
كلمة juxta يعني بجوار
يعني اللي جنب ،،، يسموه أحياناً J. receptor
أحياناً يجيلك في ال M.C.Q. حرف ال J بس ويقولك receptor
هو هو ال Juxta pulmonary capillary receptor

بيني وبينك ،،،
هو الإسم دا صح
مش ال receptor دا في ال alveoli
يبقا جنب ال pulmonary capillary
فسموه اللي جنب ال pulmonary capillary

الحقيقة كل مرة أشرح هذا ال receptor
أقدم تحية إجلال وتقدير للعالم اللي سماه كده
مسمهوش بعبط < alveolar
دا واحد فاهم أووووووي

هتفهموا ليه دلوقتي إن شاء الله
سموه الي جنب ال pulmonary capillary
عارف ليه ???
أصل دا وظيفته يقيس الدم جوا ال pulmonary capillary
يعني إيه يقيس الدم جوا ال pulmonary capillary ???
مقياس للدم ،
سمعت عن حاجة اسمها مقياس النيل ، بقيسوا ويرصدوا المياة في النيل

مش أحياناً تفتح جريدة الأهرام
تلاقي الصفحة الأولى كاتب ليك منسوب مية النيل علي 5 سم
منسوب مية النيل مش عارف وطي أربعة سم
مقابلكش الخبر ده قبل كده

طيب ،
المهم ، أقولك المعلومة عشان فيه دكاترة كتير مش فاهمة الكلام دا
إيه حكاية منسوب مية النيل دي ؟؟
فيه عندنا حاجة يا أولاد اسمها مقياس لمية النيل
حاجة بقيسوا بيها ارتفاع المية جوا النيل (نهر النيل بتاعنا)

لو منسوب مية النيل علي دا حَظَر على الأرض الزراعية بتاعتنا
المية كده ممكن تغرق الأرض الزراعية
يقوم يعملوا إيه ???
يقوموا فاتحين القنوات الخيرية ، (القنوات الخيرية دي مش حطة بيلعبوا فيها ، ☺)
تقوم المية الزيادة بتاعت النيل تتقلب في البحر الأبيض المتوسط
يقوم منسوب المية في النيل يتضبط
ما هي المية الزيادة اتخلصنا منها

بالعكس ،
لما يجي يقولك الأمطار قليلة عند منابع النيل تحت في أثيوبيا
ما كدا منسوب مية النيل وطي ، المية مش هتوصل الأرض الزراعية بتاعتنا
يقوموا قافلين القنوات الخيرية
تقوم المية بتبدي تتحوش وراها ، تعلى تقوم الأرض يوصلها المية

المهم ،
ال receptor بتاعنا الي في ال alveoli
بقيس الدم جوا ال Pulmonary capillary
يعني إيه ???
لو واحد عنده دم كتير جوا الرئة
pulmonary congestion اسمها

كلمة congestion << يعني احتقان أو زيادة الدم
دم كتير

إنت عندك ترتيبية الدورة الدموية ، تابع معايا لو سمحت عشان الحتة دي جامدة ،

الدم اللي جاي من ال Lung

يروح للناحية الشمال في ال heart

صح ولا لا ؟؟

أيون ،

مش الدم ال oxygenated اللي جاي من ال lung

يروح للناحية الشمال من ال heart

عن طريق الأوردة الرئوية الأربعة (Pulmonary veins)

طيب ،

اللي عنده heart failure ،

Left sided heart failure

الناحية الشمال من القلب عطلانة ، إن شاء الله الدكتور ناجي هيحكلنا المرض بالكامل

هيقولك :

لما الناحية الشمال بتعطل ، مبتعرفش تزق (تدفع) دم كفاية لجسمك

وحاجة تانية هتحصل << مبتعرفش تستقبل الدم كويس اللي جاي من ال Lung

يقوم العيان يا أولاد اللي عنده الناحية الشمال في القلب عطلانة ، left sided heart failure

الدم بتاعه بيتحوش فين ؟؟؟

فوق ، قبل ال heart

فوق دا فين يعني ؟؟؟

ال lung

العيان دا بيتدي الرئتين بتوعه يتملوا دم ، اسمها congestion

بعد شوية الدم في الأوعية بيتدي يخرج مية يملأ الرئة

اسمها إيه المية جوا الرئة ؟؟؟

edema

العيان دا بيقا تنفسه shallow

ويبقا rapid

بيقا rapid shallow

هتقولي : إحنا استفدنا إيه كأطباء ؟؟؟

شوف يا سيدي ، شخصنا ال left sided heart failure

لما تروح إن شاء الله في أمراض الباطنة ، لما تخش وتلف على بتاع عشرين سرير بتوع العيانيين في القاعة بتاعتنا

مجرد ما أبص كده ، ألاقى اتنين منهم من العشرين

تنفسهم shallow rapid

أقول للدكتور اللي معايا << الأثنين دول 99 % هيطلعوا Left sided heart failure

واحد في المية بيبكون حاجات تانية

يعني دا بيساعدنا في تشخيص أمراض ،

إحنا دورنا في الحياة كأطباء ، شخص مرض ، اللي تعرفه في العلاج إديهوله والشفاء من عند الله

المهم اتشخص المرض ☺ صح
التشخيص أهم حاجة

مكتوب عندك على فكرة ال left sided heart failure
مكتوب congestion و edema في حالات ال left sided heart failure

ال .ل ثاني اسمها إيه ؟؟؟

Juxta pulmonary capillary receptor

طيب ،،

آخر موضوع النهاردا إن شاء الله

ال receptors بتوع ال cardio vascular system اللي بيأثروا في النفس

Receptors of Cardiovascular System (2 X 4)

هما اتنين receptors

كل واحدة هنعرف عنها أربع نقاط

ورقة خفيفة (2 X 4)

فيه عندك ،، اتنين receptors في ال C.V.S.

أول واحد ،، حاجة اسمها arterial Baro receptors

عارف يعني إيه baro ؟؟

يعني pressure

فيه باروميتر (اللي بقيس الضغط)

arterial Baro receptors

بارو يعني Pressure

الحنة دي فيها تأملات جامدة ،،

أتمنى إنكم تنتبهوا ،، Baro receptors

لو هنجيب من الآخر للأول

يبقا دي ال receptors اللي بتقيس ال pressure جوا ال artery

جوا الشرايين بتاعتنا

سهلة كده ؟؟

طيب ،،

انتبهوا عشان فيه تأملات جامدة مش مكتوبة في الكتب ،،

فاكر رسمة الأناطومي بتاعت ال arch of aorta

تعالوا نراجعها ثاني ،،

كان فيه عندك ال aortic arch

فاكر كان طالع منه إيه ؟؟؟

common carotid artery

اتقسم لفرعين ،، اللي خارج برا الجمجمة ال external carotid artery

والتي داخل جوا الجمجمة ، internal carotid artery
أول ال internal carotid artery فيه انتفاخ اسمه carotid sinus

أول معلومة ،
أنا بتكلم ببطء هنا مش تضيق وقت ، لكن
عشان الكلام محتاج تركيز منك

أول حاجة ، فينا ربنا حائط ال receptors الي تقيس الضغط في الشرايين arterial baro receptors ؟؟
على ال aortic arch كله
محطوط عندك في ال diagram علامات xxx واحدة ال aortic arch كله
ومحطوطين كمان في الإنتفاخ الي اسمه carotid sinus فوق

إيه دا إيه دا ؟؟؟
إنت مش قولت لنا من شوية ، (خلي بالك ، عشان فيه أساتذة بيغلطوا في الأناطومي هنا ، وهقولك الغلطة بتيجي منين ، فركز الله يكرمك معانا)

بيقول هنا ، الصورة هنا مختلفة عن الي إحنا اتعملناه في ال peripheral chemo receptors
فاكر ال peripheral chemo receptors
ربنا لمهم ، أربع حُصصات صغيرين ، أربع حبيبات في حجم حباية البسلة ، اتنين aortic و اتنين carotid
أنا شايف هنا الصورة ، مفرودين ال receptors على ال arch of aorta كله وعلى ال carotid sinus كلها

تعال أفهمك ، ليه ربنا لم ال peripheral chemo receptors (حاجات صغيرة)
وليه هنا ال arterial baro receptors اتفردوا الفردة دي ؟؟؟
أقولك حكاية ال peripheral chemo receptors الي أخذناهم
حد فاكرك ال peripheral chemo receptors ،

mainly كان بيشتغل مين ؟؟؟
نقص ال Oxygen tension
يعني الأوكسجين الي ذائب

إن شاء الله الحصة القادمة ، هقولكم
إن ال peripheral chemo receptor بيشتغل بالأوكسجين الذائب ال physical
مش الي متشال على الهيموجلوبين
دي ليها فكرة رائعة الحصة القادمة في ال hypoxia إن شاء الله

المهم دلوقتي ،
أنا عايز أقولكم ، التأمل تاني ، ليه ربنا لم ال peripheral chemo receptors اللمة دي ؟؟؟
أقولك بقا القصة ،

ربنا يا أولاد صغر حجم ال peripheral chemo receptors
أربع حبيبات بسلة ، وإدالهم (أعطاهم) كمية دم رايحة تغذيهم عشرين مرة أد المطلوب

يعني لو وزنناهم ، طلوعوا 5 جرام ،
جبنا الخمسة جرام من أي tissue في جسمك ، نلاقي كمية الدم الي رايحة لل Peripheral chemo receptors

عشرين مرة قد المطلوب ،،

ليه كده ،، ليه ربنا لم ال peripheral chemo receptors وإداهم دم عشرين مرة أد المطلوب ؟؟؟

عشان يعتمدوا في الحصول على إحتياجاتهم ،، على ال Physical form بس
افهم ،، دول وظيفتهم ،، بيشتغلوا لما ال Physical form تقل بتاع الأوكسجين

ربنا عايزهم ،، يستخدموا ال Physical form بس

وإحنا عارفين إن دي كانت كميتها قليلة ولا كتيرة ؟؟؟
قليلة ،،

طيب تتحلل إزاي المعادلة ؟؟ إزاي ربنا يخليهم يستخدموا ال Physical form ؟؟؟
بيعت ليهم دم كتير

كمان مرة ،،

ال peripheral chemo receptors

الحنة دي على فكرة الكتاب كاتبها ،، بس هنا أنا بوضحها لك
عشان لما تقرأها في الكتاب

ليه ربنا لم ال peripheral chemo receptors أربع حمصات صغيرين ؟؟ أربع حبيبات بسلة ؟؟ ويجيلهم دم عشرين مرة أد المطلوب ؟؟

السبب كان واضح ،،

عشان دلوقتي يبقى عندهم Physical oxygen كتير

أوكسجين ذائب كتير ،،

يقوم يعتمدوا على الحصول في إحتياجاتهم عليه وحده
مستخدموش الأوكسجين اللي متشال على الهيموجلوبين خالص

طيب ،،

وليه ربنا عايزهم يركزوا على الأوكسجين اللي ذائب ؟؟؟

أصل هما بيشتغلوا لما الذائب دا بيقل

اللي هو اسمه ال Oxygen tension

فهمتوا لومفرودين وكنا بنبتعلهم عشرين مرة أد المطلوب ،، الحالة دي هيبقا كمية الدم اللي رايحالهم نص الدم بتاع جسمك
إمّا صغرههم أوووي ،، لما أديهم العشرين مرة أد المطلوب مش هياثر على عموم الجسم
معايا ،،

فيه حاجتين ربنا عملهم ،، جمعهم في حجم صغير ،،

أنا بتكلم على مين ؟؟

على ال Peripheral chemo receptors

وبعت ليهم دم أد المطلوب كام مرة ؟؟؟

عشرين مرة

عشان يعتمدوا على حاجة واحدة ،، في صورة واحدة للأوكسجين ،، ال Physical form

أصل هما بيشتغلوا لو نقص

وربنا عايزهم يستخدموا دا بس ،، عشان ساعة ما ينقص ،، يشتغلوا هما وينشطوا ليك النفس

تعال بقا ،، لي مش موجود في الكتب ،،

إشمعنا هنا بقا ،، ربنا فرد ال receptors (arterial baro receptors) ؟؟

أصل دول بقيسوا pressure

دائماً يا أولاد ال Pressure بيكون مقرون ب area

يقولك : Pressure كذا ،، على area كذا

وعشان حكمك على أي pressure يكون صح ،، لازم يبقا على area كبيرة

دول بقيسوا Pressure ،،

هتقولي : ربنا فردهم ،، ماشي ،، إشمعنا حطهم هنا ؟؟

ما ال arteries ،، خدنا في ال anatomy ال radial و ulnar ومش عارف في ال Lower

خدنا ال femoral و popliteal

ما نحطهم في أي حطة ،، ونخلص

اختيار المكان دا بالذات مدعاة للتأمل

إشمعنا ربنا اختار المكانين دول ،، arch of aorta و ال carotid sinus ؟؟ عشان يقيس الضغط في الشرايين ؟؟؟

أسألکم سؤال ثاني ،،

تفتكر مين أهم اثنين organs في جسمك ؟؟؟

heart and brain

الإجابة سليمة

إنت عارف ال brain لو عطل ،، هو دا اللي يقولوا عليه ،، brain death

دا الموت الإكلينيكي ،،

القلب لو وقف ،،

هو دا الموت الحقيقي

الملك حسين ،، ملك الأردن في آخر أربع أيام

كان حصله brain death

موت إكلينيكي خلاص ،،

بره كانوا فاهمين إن كده مات ،، كده يدوب على الماكينة بتاعت التنفس

أول ما نوقف الماكينة ،، يبقا مات ،، القلب يوقف

أنا فاكرو يومها الملك حسين في آخر أربع أيام

رئيس وزراء كندا عمل مشكلة سياسية جامدة مع الأردن ،،

طلع في تلفزيون كندا ،، وابتدى ينعي الملك حسين إنه مات

الأردن اعترضت ،، قالتله : إحنا مقولناش إنه مات

الأردن خدت أربع أيام ،، على بال حكاية نقل الحكم من الملك حسين للملك عبدالله

فكانوا لسه بيهدوا الأمور شوية

إمها بره فاهمين ،،

اللي دماغه وقف دا ،، brain death ،، دا مات

إحنا عندنا أهم اثنين Organs ،، ال brain وال heart
 بنظم الضغط لصالحهم
 ربنا حط ال receptors اللي بتقيس الضغط في ال arteries في سكة الدم اللي رايحة للمكانين دول
 ال brain وال heart

إزاي؟؟؟

تعال أوريك إزاي أساتذة بتغلط في الأناطومي

إنت عارف إن ال arch of aorta ،، طالع منه ال coronaries ،، direct branch
 ال coronary الشريان التاجي اللي بيغذي عضلة القلب ،،
 ال direct branch من ال aorta

لما ال receptors يبقى على ال aortic arch
 يبقى إحنا كده بنطمئن على ضغط الدم ،، اللي داخل جوا ال coronaries ومُغذي القلب
 مضبوط ولا مش مضبوط؟؟ مضبوط إن شاء الله

إنت عندك الإنتفاخ اللي فوق ،، ال carotid sinus
 في بداية أنهي ال branch ال external ولا ال internal carotid artery؟؟
 ال internal carotid artery اللي رايح يغذي المخ
 يبقى كده موقع ال receptor دا يخليه يطمئن على ضغط الدم وهو رايح المخ

اتفرج على بعض الزملاء ،،
 تلاقي من ضمن المعيددين الجُداد ،،، ابتدى يسأل سؤال ،، وأنا قاعد
 بيقولي يا ترى ال carotid sinus في أول ال internal carotid ولا أول ال external carotid؟؟؟

أنا هجاوبه ،، بس مش هقول له التفسير
 أنا بقوله : أنا متأكد يا ابني إن ال carotid sinus موجودة في أول ال internal carotid
 بس النهاردا أنا بقولكم ،، ليه أنا متأكد
 أصل هو دا ال artery اللي رايح لل brain بتاعك

وربنا حاطط ال receptor دا ،، عشان يقيس الضغط اللي رايح لل brain بتاعك ،،
 كدا عمري ما هلخبط

يبقا مية المية ،، فين موجود ال arterial baro receptors؟؟
 خلاص ،، كلنا فهمنّا موجود في ال aortic arch وال carotid sinus

تعال بقا للكلام السهل بتاعنا ،،
 ال aortic arch ده ملعب مين؟؟؟
 ال vagus
 وال carotid sinus دا قدام البلعوم ،، يبقا؟؟
 ال glosso pharyngeal

مكتوب عندكم ال Nerve اسمه carotid sinus nerve
 دا ال branch من ال glosso pharyngeal

طيب ،

إيه حكاية ال adrenaline apnea دي ؟؟؟

بيقولك : لو جبنا كلب ، حقنا الكلب ده حقنة أدريالين ،

ضغطه يعلى أوووي الكلب ،

والضغط لما بيعلى ، بيقلل النفس

الكلب نفسه وقف خالص

نفسه يوقف دي اسمها إيه ؟؟؟

apnea

بيقوا يسموها adrenaline apnea

الضغط لما يعلى أوووي بسبب حقنة الأدرينالين ، يشغل ال arterial baro receptors

ودول ، يقللوا النفس بتاع الكلب

والكلب نفسه وقف خالص

فيه طلبه قلقت إمبراح على الكلب ،

وقالولي : يا خسارة ، مات الكلب ولا هيعيش ؟؟

هيعيش زي الفل

ليه ؟؟؟

إنت عارف بعد شوية ، دقيقتين كده ، نفسه وقف

مين بيتحوش جواه تفتكر ؟؟

ال CO₂

ومين بيقل جوا ؟؟

ال Oxygen

ال CO₂ لما يعلى ، وال oxygen يقل ، دي حاجات بتعمل إيه في ال respiration ؟؟؟

تزوده

الكلب دا يا أولاد ، بعد دقيقتين apnea

تلاقيه فجأة قام ، وبدأ يهوهو وتأخده في إيدك وتروح عادي ومتخافوش عليه

على فكرة ،

ال arterial baro receptors ، مكتوب ليها اسم ثاني عندكم

high pressure receptors

تعال بقا لحاجة ثانية ،

افترضنا دا ال Heart ، ال receptors بتاعنا هنا right atrium

ال right atrium دا ملعب مين تفتكر ؟؟؟

الحتة دي كلها من غير ما تفكر ، ملعب ال vagus

يبقا ال Nerve الي طالع من هنا ويأثر في النفس

ال vagus

أنا مش عايزك تتخض ،، طالما المكان صح ،،
تأكد ال Nerve هتقوله صح ،، مفيش خوف

معلش ،،

قل لي ال site

أقل لك ال nervous connection

قل لي ال stimulus

أقل لك ال function

ال stimulus هنا فين بقا ؟؟؟

أنا راسم دائرتين في ال right atrium بتاع ال heart
دا مكان ال receptors

ال stimulus دا مكتوب عندكم ،،

زيادة ال CVP

حد يعرف يعني إيه CVP ؟؟؟

يعني central venous pressure

اكتبها من فضلك

ال receptor هنا بيشتغل ،، بزيادة ال central venous pressure

يا سلام على الأسامي ،،

ال central venous pressure يعني إيه ؟؟

يعني ال Pressure في ال center بتاع كل ال veins

عارف مين هو ال center بتاع كل ال veins ؟؟

المكان ،، اللي كل ال veins في جسمك ،، هتتدلق فيه في الآخر

ال right atrium

مش إنت عندك ال right atrium ،، جاي من ال superior vena cava (وريد أجوف علوي)

وال inferior vena cava (وريد أجوف سفلي)

العلماء يسموا ال Pressure في الحجرة دي (في ال right atrium) دا ال pressure بتاع ال center الخاص بكل ال veins في الجسم

كل ال veins نهايتها هنا

يبقا الضغط هنا ،، يمثل الضغط في ال center بتاعها

طيب ،،

مين واد ناصح ومفتح كده ،، تفكر إمتى الضغط هنا يعلى في الحجرة دي ،، ال central venous pressure يعلى ؟؟؟

يزيد ال venous return دا احتمال ،،

طيب ،، أنا همليها ،، بس الدكتور ناجي لما يجي يشرحها أوعوا تقولوا إني قولتها ☺ فجأوه بيها

ال CVP بيعلى ،، يا إما زي ما أنتم قولتوا ،، زيادة ال venous return

ال CVP طلع منها سهمين :

- زيادة ال venous return (VR)
- أو زيادة ال blood volume

لو واحد نقلنا ليه دم كثير أو محاليل كثير ،
الدم في عموم الجسم زاد
يقوم الدم الي راجع للدم يزيد

أو واحد حجم الدم بتاعه هو هو ، بس ال venous return هو الي زاد
يبقا فيه احتماليين لزيادة ال CVP

طيب ،

رد عليا لو سمحت ،

الدم الي راجع لل right atrium دا ، بيكون Oxygenated ولا deoxygenated ؟؟؟
deoxygenated

يبقا المنطق يقولك : نزود النفس ولا نقلله ؟؟؟؟
نزود طبعا

عشان تعمل oxygenation للدم الكثير الي عندك في ال right atrium

كمان مرة ،

الدم الي في ال right atrium دا ، الكثير دا الي على الضغط في ال CVP
بيكون oxygenated ولا deoxygenated ؟؟؟؟
deoxygenated

المنطق يقول ، دم كثير وغير مؤكسج ،

عايز أعمله oxygenation

يبقا المفروض نزود ولا نقلل النفس ؟؟؟
نزود النفس

الي وصف دي ، خواجه اسمه Harrison

هاريسون reflex

ودا سؤال شفوي

يبقا انتبه لو سمحت

ال arterial baro receptors << بيقللوا النفس

عشان يقللوا الضغط

ال arterial (وعلى فكرة الضغط في ال arterial واطي ، من 0 إلى 5 عشان كده بيسموه low pressure receptor)

بتاع ال atrium << بيزودوا النفس

يا ريت تكتبوا to oxygenate ال blood

فيه معلومة للناس اللي هتشتغل تخدير منكم

إيه حكاية لو واحد واخد بنج ال central chemo receptors يقفوا ،

وشغال بال peripheral chemo receptors ؟؟؟

اللي هتشتغل تخدير منكم الكلام ده يهمه ،

دلوقتي العيان شغال بال peripheral بس ، لو إديناله oxygen نفسه يحصله إيه ؟؟؟

هيقل ،

هي ال peripheral chemo بتشتغل بإيه ؟؟؟

نقص الأوكسجين ،

لما تدي الأوكسجين للعيان ، بالبتاعة السودا بتاعت الأفلام

نفسه يحصله إيه ؟؟؟

يقل ،

تفتكر لما العيان دا نفسه يقل ، ال CO₂ اللي جواه بيتحوش ، ودا acid ،

يبقا مهم لازم نحقنه ب sodium bicarbonate أثناء العملية ، يبقا دكتور التخدير فاهم النقطة دي

العيان في البنج ، شغال بال peripheral chemo receptors بس ،

ولو إداله أوكسجين ، ال CO₂ هيتحوش ،

فبتديله sodium bicarbonate عشان ميجلوش حموضة

لله الحمد والمنة والثناء الحسن ،

تم الإنتهاء من تفريغ المحاضرة السابعة ، في ال respiration

دلوقتي الساعة الثانية عشر منتصف الليل و 22 دقيقة ، يوم الأحد الموافق 14 أبريل 2013

لمزيد من المواد المفردة

على الفيس بوك

صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله

إذا عجبك أي شيء متفرغ تابع لصفحة أو جروب

تفريغ المواد الطبية

وحبيت حضرتك تنقله اتفضل

بذكر المصدر أو بدون

المهم إن المعلومة توصل لغيرك

واحتمسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض بإختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

سلام بقا ☺